



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Eyn new wunderbarlich Beychtpuechlin in dem die
warhafft gerecht beicht und pueßfertigkeit/
christenlichen gelert vnd angezeygt wirt/ vnd
kuertzlichen all tyranny ertichter menschlicher beicht
auff ...**

Strauß, Jakob

[Erfurt], [1523]

VD16 S 9492

Vorwort

urn:nbn:de:hbz:466:1-31957

Jacobus Strawls wunschet allen

fromen / warhafften christen / die des Euangeliums herzlich begirig seynt / durch Christum gnad / fried vnd freid im heiligen gayst.

Ich hab den vergangen sommer eyn büchlin zw Kemburge in Sachssen / an die von Hall im Inthael besunderlich / lassen außsagen / über das wort gottes / durch Paulum zw den Corinthern 8. 1. Epistel am. xi. beschrieben / der mensch sol sich selbst probiren / vnd also von dem brodt essen / vnd von dem kelch trincken.

Nu hab ich müssen von nöten / der beycht darinnen meldung thun / dieweyl die recht prob dieser wort / ganz gefelschet ist / vnd in irrung gedungen / durch die falsch / vnmitte / tyrannische lere / des hellischen gepots Bepflicher beichte.

Ich hab auch denselbigen von Hall / meynen lieben brüder / vnd freunden / in Christo / versprochen / eyn kurz büchlin / vff die predigen / bey inen die vergangen fasten gethan / der Beycht halben / vflaffen geen.

Szo aber durch die gothafften / hochgelarte Euägeliste / so vil manifelzig lere / vnd vnterricht / der beycht / in newen iaren beschriben / an allen enden beyhendig seindt / were villicht nicht von nöten / etwas weyters / von mir furzbringen / dach will ich meynem gelöbde gnuget thun / vnd was die andern fruchtbarlichs hirinne beschriben haben / eynem yeden fromen Christen in allen trewen zwlesen vnd zubeherzigen / rathen.

Ich versee mich aber zu der genad vnsern herren Jesu Christi / das mein schlecht einfaltig beschreybē / auch nyemants schade / ader zw nachteyl reychen werde / dan ich digz vnd alles was ich leer / vnd schreybe / eynem yeden frommen Euangelischen

christen/auch mich selbst/zu straffen/vnd nach rechtē Luangs
gelischen vorstandt/zu besserung/gantz willig/ vnd Christlich
ergeben/vnd vnterworfen/will haben.

Hirmit ich dem almechtigen barmherzigen gott / vnd vatter
vnser herren Ihesu Christi/nach seynem almechtigen
zusagen/ bitt im glauben/ er wöll die erlösten vnd er
käuften / durch den todt vnd blüdtuer gießen sey
nes eingebornen geliebten Sönes/genediglichen
entledigen auß aller gefengnis / vñ irrunge
menschlicher gesetz vnd leer. Amen.

Datū zu Eysennach in Dürin/
gen am neuntentag des Fe
buarij Im. 1523.

Jare.

219

